



**Republika e Kosovës**  
**Republika Kosovo - Republic of Kosovo**  
*Kuvendi - Skupština - Assembly*

---

**Ligji Nr. 04/L-185**

**PËR TARIFAT E VEÇANTA TË AKCIZËS PËR PRODHIMIN  
FILLESTAR DHE PRODHIMIN E VOGËL TË PRODUKTEVE  
ALKOOLIKE TË PRODHUARA NË KOSOVË**

**Kuvendi i Republikës së Kosovës,**

Në bazë të nenit 65(1) të Kushtetutës së Republikës së Kosovës,

Miraton

**LIGJ PËR TARIFAT E VEÇANTA TË AKCIZËS PËR PRODHIMIN  
FILLESTAR DHE PRODHIMIN E VOGËL TË PRODUKTEVE  
ALKOOLIKE TË PRODHUARA NË KOSOVË**

**Neni 1**  
**Qëllim**

Ky ligj ka për qëllim përcaktimin e tarifave të veçanta të akcizës për prodhuesit e vegjël të produkteve alkoolike dhe caktimin e metodës për përcaktimin e sasive dhe të përqindjes së alkoolit të produkteve alkoolike.

**Neni 2**

**Tarifat e veçanta të akcizës për prodhimin fillestar dhe prodhimin e vogël të produkteve  
alkoolike të prodhuara në Kosovë**

1. Në rastin kur personi në Kosovë prodhon gjatë një viti kalendarik jo më shumë se 100 litra (1 hektolitër) të alkoolit 100% të produkteve të alkoolit nga lista e Shtojcës A të bashkangjitur këtij ligji, këto produkte, pas lëshimit për konsum në Kosovë, i nënshtrohen tarifës zero të akcizës dhe

2. Në rastin kur personi në Kosovë gjatë një viti kalendarik prodhon më shumë se 100 litra (1 hektolitër) të alkoolit 100%, por jo më shumë se 1100 litra (11 hektolitra) të produkteve alkoolike nga Shtojca A të bashkangjitur këtij ligji, këto produkte, pas lëshimit për konsum në Kosovë, i nënshtrohen akcizës sipas tarifës vijuese:

2.1. për 100 litrat e para ( 1 hektolitër) të alkoolit 100% aplikohet tarifa zero; dhe

2.2. për më shumë se 100 litra (1 hektolitër), por jo më shumë se 1100 litra (11 hektolitra) aplikohet tarifa njëqind (100) Euro për një (1) hektolitër të alkoolit absolut me përqindje 100% në temperaturën 20°C.

3. Në rastin kur personi në Kosovë gjatë një viti kalendarik prodhon më shumë se 1100 litra (11 hektolitra) të alkoolit me përqindje 100% nga lista e produkteve alkoolike të Shtojcës A të bashkangjitur këtij ligji, ato produkte, pas lëshimit për konsum në Kosovë, i nënshtrohen tarifës së akcizës si në vijim:

3.1. për 100 litrat e para (1 hektolitër) të alkoolit me përqindje 100% aplikohet tarifa zero;

3.2. për më shumë se 100 litra (1 hektolitër), por jo më shumë se 1100 litra (11 hektolitra) aplikohet tarifa (100) Euro për një (1) hektolitër të alkoolit absolut me përqindje prej 100 % në temperaturën 20°C; dhe

3.3. për sasinë më të madhe se 1100 litra (11 hektolitra) aplikohet tarifa e përcaktuar në Shtojcën A të Ligjit për Tatimin e Normës së Akcizës në Kosovë.

4. Sipas këtij neni, mallrat do të konsiderohen si të prodhuara në Kosovë dhe, nëse janë importuar në Kosovë, ato do të cilësohen si me prejardhje nga Kosova në bazë të nenit 26 të Kodit Doganor dhe Akcizave Nr. 03/L-109.

### **Neni 3**

#### **Përcaktimi i sasive dhe i përqindjes së alkoolit të produkteve alkoolike**

1. Përveç nëse nuk dëshmohet e kundërta:

1.1. sasia dhe përqindja e alkoolit në çdo produkt alkoolik do të konsiderohet ashtu siç është e paraqitur në çdo etiketë të ngjitur apo të shtypur në ambalazhin e produktit alkoolik; dhe

1.2. në rastet kur sasia apo përqindja e alkoolit nuk është e shënuar në asnjë etiketë të ngjitur apo të shtypur në ambalazhin e produktit alkoolik, sasia dhe përqindja e alkoolit me përqindje 100% do të konsiderohet të jetë ashtu siç është përcaktuar në Shtojcën B të bashkangjitur këtij ligji.

**Neni 4**  
**Ndryshimi dhe plotësimi i Shtojcës**

1. Në raste të veçanta Qeveria e Republikës së Kosovës me akt nënligjor, mund të ndryshon listën e produkteve alkoolike të prodhuara në Kosovë që i nënshtrohen tarifave të veçanta të akcizës dhe për këtë njoftohet Kuvendi.
2. Lista fillestare e produkteve alkoolike të prodhuara në Kosovë është e përcaktuar në Shtojcën A dhe B, bashkangjitur këtij ligji.

**Neni 5**  
**Zbatimi**

Ministri i Financave nxjerr akt nënligjor për zbatimin e këtij ligji.

**Neni 6**  
**Dispozitat Shfuqizuese**

Me hyrjen në fuqi të këtij ligji, shfuqizohet Rregullorja e UNMIK-ut 2006/8 për ndryshimin e Rregullores së UNMIK-ut nr. 2005/32 mbi Kodin e Akcizës në Kosovë.

**Neni 7**  
**Hyrja në fuqi**

Ky ligji hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

**Ligji nr. 04/L-185**  
**26 dhjetor 2013**

**Kryetari i Kuvendit të Republikës së Kosovës,**

\_\_\_\_\_  
**Jakup KRASNIQI**



**Republika e Kosovës**  
**Republika Kosovo - Republic of Kosovo**  
*Kuvendi - Skupština - Assembly*

---

**Ligji Nr. 04/L-185**

**PËR TARIFAT E VEÇANTA TË AKCIZËS PËR PRODHIMIN  
FILLESTAR DHE PRODHIMIN E VOGËL TË PRODUKTEVE  
ALKOOLIKE TË PRODHUARA NË KOSOVË**

**SHTOJCA A**

**PRODUKTET ALKOOLIKE TË PRODHUARA NË KOSOVË QË I  
NËNSHTROHEN TARIFAVE TË VEÇANTA TË AKCIZËS PËR PRODHIMIN  
FILLESTAR DHE TË VOGËL**

<b>Përshkrimi</b>	<b>Kodi</b>
Birra e prodhuar nga malti	2203
Verërat nga rrushi i freskët, duke përfshirë verërat me përmbajtje të shtuar të alkoolit; mushti i rrushit, përpos atij nga kaptina 2009	2204
Vermuti dhe verërat e tjera nga rrushi i freskët me shije të bimëve apo të substancave aromatike	2205
Pijet e tjera të fermentuara (për shembull: mushti i mollës apo i dardhës, pijet alkoolike nga fermentimi i mjaltës); përzierjet e pijeve të fermentuara dhe përzierjet e pijeve të fermentuara e të pijeve	2206

joalkoolike, të cilat nuk janë cekur ose nuk janë përfshirë diku tjetër	
Etil alkool i padenatyrizuar me përqindje të alkoolit prej më pak se 80%; pijet alkoolike, likerët dhe pijet e tjera alkoolike	2208

## SHTOJCA B

### SASITË DHE PËRQINDJET E ALKOOLIT

Përshkrimi	Kodi	Sasia	Përqindja e alkoolit
Birra e prodhuar nga malti	2203	33,3 cl	5% e përqindjes absolute të alkoolit në temp. 20 °C
Verërat nga rrushi i freskët, duke përfshirë verërat me përmbajtje të shtuar të alkoolit; mushti i rrushit, përpos atij nga kaptina 2009	2204	75 cl	12,5% e përqindjes absolute të alkoolit në temp. 20 °C
Vermuti dhe verërat e tjera nga rrushi i freskët me shije të bimëve apo të substancave aromatike	2205	70 cl	20% e përqindjes absolute të alkoolit në temp. 20 °C
Pijet e tjera të fermentuara (për shembull: mushti i mollës apo i dardhës, pijet alkoolike nga fermentimi i mjaltës); përzierjet e pijeve të fermentuara dhe përzierjet e pijeve të fermentuara e të pijeve joalkoolike, të cilat nuk janë cekur ose nuk janë përfshirë	2206	75 cl	5% e përqindjes absolute të alkoolit në temp. 20 °C
Etil alkool i padenatyrizuar me përqindje të alkoolit prej më pak se 80%; pijet alkoolike, likerët dhe pijet e tjera alkoolike	2208	1 litër	40% e përqindjes absolute të alkoolit në temp. 20 °C